



EMBASSY OF THE REPUBLIC OF ARMENIA

22 մարտի, 2012թ.

Մամլո հաղորդագրություն
Press release

*Համահայկական մանկապատանեկան նկարչական մրցույթ-
փառատոն Հայաստանում՝ «Միրե՛ք պոետի գույները» խորագրով*

Կանադայում Հայաստանի Հանրապետության դեսպանությունը տեղեկացնում է, որ ՀՀ Կրթության և գիտության նախարարությունը 2012 թվականին Հայաստանում կազմակերպում է Համահայկական մանկապատանեկան նկարչական երրորդ մրցույթ – փառատոնը՝ «Միրե՛ք պոետի գույները» խորագրով:

Մրցույթին կարող են մասնակցել նկարչության հանդեպ սեր և կարողություն դրսևորող 6-18 տարեկան հայերեն ուսուցմամբ վարժարանների և կրթօջախների, մշակութային կենտրոնների սաները, ինչպես նաև այլ դպրոցներ հաճախող հայ և օտարազգի պատանիները:

Խնդրում ենք ծանոթանալ մրցույթ-փառատոնի առդիր ամբողջական հայտարարությանը և նկարագրին:

ՀԱՅՏԱՐԱՐՈՒԹՅՈՒՆ

Հայաստանի Հանրապետության կրթության և գիտության նախարարությունը 2012 թվականին կազմակերպում է համահայկական մանկապատանեկան նկարչական 3-րդ մրցույթ-փառատոնը՝ «Սիրե՛ք պոետի գույները» խորագրով:

Մրցույթի նպատակն է խրախուսել հայ պոեզիայի իմացությունը, նպաստել հայ մանուկների և պատանիների մոտ պատկերավոր մտածողության զարգացմանը, զգացական աշխարհի հարստացմանը՝ կիրառելով բանաստեղծական արվեստի հանդեպ գեղագիտական մոտեցում:

Մրցույթ-փառատոնին կարող են մասնակցել նկարչության հանդեպ սեր և կարողություն դրսևորող 6-18 տարեկան հայերեն ուսուցմամբ վարժարանների և կրթօջախների (այդ թվում՝ մեկօրյա), մշակութային կենտրոնների սաները, ինչպես նաև այլ դպրոցներ հաճախող հայ և օտարազգի պատանիներ:

Մրցույթ-փառատոնը նվիրված է հայ պոեզիային և մասնակիցներից ակնկալվում է վերլուծական և ստեղծագործական անդրադարձ հայ պոետիկ արվեստին առհասարակ կամ առանձին երկերին (անկախ իրենց թեմատիկայից), բանաստեղծների կերպարներին կամ հայ պոեզիայի զարգացման որևէ փուլին կամ հանգուցային պոետներին:

Հնարավորության դեպքում, ցանկալի է կրթական հաստատության կամ երկրի կողմից նկարների կենտրոնացված առաքումը՝ տարբեր տարիքի հատկապես հաջողված նկարների ընտրությամբ:

Մասնակիցները պետք է դիմեն nkarchakan@gmail.com էլեկտրոնային հասցեով մինչև հունիսի 3-ը ներառյալ:

Մրցույթ-փառատոնի առաջին փուլում հաղթողների աշխատանքները կներկայացվեն Գեղագիտության ազգային կենտրոնի ցուցահանդեսում, որը տևելու է հոկտեմբերի առաջին տասնօրյակից մինչև նոյեմբերի առաջին տասնօրյակը: Ցուցահանդեսին մասնակցած բոլոր աշխատանքները կտպագրվեն ցուցահանդեսի ալբոմում:

Մասնագիտական հանձնաժողովի եզրակացության, ինչպես նաև ցուցահանդեսի հանդիսատեսի քվեարկության արդյունքներով հոկտեմբերի առաջին տասնօրյակում կհայտարարվեն երկրորդ փուլի հաղթողները: Մրցույթ-փառատոնի առաջին փուլի բոլոր հաղթողները կստանան ցուցահանդեսի ալբոմ: Երկրորդ փուլում հաղթողները կստանան նաև հիմնական և խրախուսական մրցանակներ: Իսկ հիմնական 10 հաղթողները կիրավիրվեն Երևան մեկշաբաթյա մշակութային ծրագրով:

Այցելության ընթացքում ծախսերը հոգում են կազմակերպիչները: Մասնակիցները հոգում են ճանապարհածախսը:

Համահայկական մանկապատանեկան նկարչական 3-րդ մրցույթ-փառատոնի շրջանակներում նախատեսվում են նաև լրացուցիչ միջոցառումներ:

Մրցույթ-փառատոնին մասնակցող դպրոցների **մանկավարժների համար կկազմակերպվի և կտեսագրվի սեմինար**, որը ապրիլ ամսին կտեղադրվի Գեղագիտության ազգային կենտրոնի պաշտոնական www.nca.am կայքում:

Փառատոնի շրջանակներում ցուցադրության մեկ ամսվա ընթացքում կկազմակերպվի **մանկական պոեզիայի մրցույթ**: Մրցույթը անցկացվելու է «Էդիտ Պրինտ» հրատարակչության աջակցությամբ: Ներկայացված մանկական

բանաստեղծություններից լավագույնը կտպագրվեն առանձին գրքուկով, որը կտրամադրվի հեղինակներին:

Նախատեսվում են նաև այլ տեսակի միջոցառումներ Հայաստանի և Սփյուռքի մասնակիցների համար:

Սույն հայտարարությանը կցվում է մրցույթ-փառատոնի նկարագրությունը:

Հավելյալ հարցերով կարելի է դիմել **Հայաստանի Հանրապետության կրթության և գիտության նախարարություն.**

հեռ. +374 10 58-13-91

ֆաքս. +374 10 52-73-43

Էլ. փոստ. spyurq@yahoo.com

Կայքէջ. www.edu.am, www.armedu.am

Էջ Facebook-ում. «Սփյուռքի բաժին ՀՀ կրթգիտնախ»

Գեղագիտության ազգային կենտրոն.

հեռ. 374 10 52-75-60

Էլ. փոստ. nkarchakan@gmail.com

Կայքէջ. www.nca.am

Էջ Facebook-ում. «National Center of Aesthetics»

**ՀՀ կրթության և գիտության նախարարություն
Գեղագիտության ազգային կենտրոն**

ՍԻՐԵՔ ՊՈՆՏԻ ԳՈՒՅՆԵՐԸ

**Համահայկական մասնակապատանեկան նկարչական 3-րդ մրցույթ-
փառատոն**

Մրցույթ-փառատոնը նվիրված է հայ պոեզիային և մասնակիցներից ակնկալվում է վերլուծական և ստեղծագործական անդրադարձ հայ պոետիկ արվեստին առհասարակ կամ առանձին երկերին (անկախ իրենց թեմատիկայից), բանաստեղծների կերպարներին կամ հայ պոեզիայի զարգացման որևէ փուլին կամ հանգուցային պոետներին: Մրցույթի նպատակն է խրախուսել հայ պոեզիայի իմացությունը, նպաստել հայ մանուկների և պատանիների մոտ պատկերավոր մտածողության զարգացմանը, զգացական աշխարհի հարստացմանը՝ կիրառելով բանաստեղծական արվեստի հանդեպ գեղագիտական մոտեցում:

Մրցույթ-փառատոնի մասնակիցները.

Մրցույթ-փառատոնին կարող են մասնակցել երկու տարիքային խմբեր.

- 6-13
- 14-18:

Մրցույթ-փառատոնի անցկացման կարգը.

Մրցույթը նախատեսված է անցկացնել երկու փուլով:

Առաջին փուլում նկարները մասնակիցների կողմից ներկայացվում են էլեկտրոնային տարբերակով՝ մինչև ս.թ. հունիսի 3-ը: Մասնագիտական հանձնաժողովի կողմից ընտրվում են լավագույն աշխատանքները՝ ցուցահանդեսը կազմակերպելու և տպագրվելու նպատակով:

Երկրորդ փուլում մասնակիցները ներկայացնում են իրենց աշխատանքների բնօրինակները՝ ցուցահանդեսի համար: Երկրորդ փուլում ցուցահանդեսին ներկայացված նկարների հեղինակներից կընտրվեն հիմնական և խրախուսական մրցանակակիրներ (այդ թվում՝ քվեարկության արդյունքում այցելուների համակրանքի արժանացած 1 մրցանակ):

Ներկայացվող պահանջները.

Նկարները պետք է լինեն 29x42 սմ, 50x35 սմ կամ 70x50 սմ չափի՝ նկարված ցանկացած ոճի և ցանկացած նկարչական նյութի օգնությամբ (գուաշ, մատիտ, պաստել և այլն):

Գնահատման ընթացքում հաշվի են առնվելու.

- նկարի գաղափարի պատկերայնությունը, յուրօրինակությունը,
- գեղարվեստական կատարումը,

- Ողջունվելու են նախագծային աշխատանքներ¹

Մեթոդական աջակցությունը.

Մրցույթ-փառատոնին մասնակցող դպրոցների մանկավարժների համար երևանում կկազմակերպվի սեմինար: Սփյուռքում գործող մանկավարժների համար սեմինարի տեսագրությունը ապրիլ ամսին կտեղադրվի Գեղագիտության ազգային կենտրոնի պաշտոնական www.nca.am կայքում:

Ակնկալում ենք նաև, որ մանկավարժները նախապատրաստական փուլում կապի մեջ կմտնեն Գեղագիտության ազգային կենտրոնի աշխատանքային խմբի հետ:

Նկարների ներկայացման պայմանները.

Առաջին փուլում նկարները ներկայացվում են PDF կամ JPG ձևաչափով ՀՀ կրթության և գիտության նախարարության և Գեղագիտության ազգային կենտրոնի կողմից համատեղ սպասարկվող nkarchakan@gmail.com էլեկտրոնային հասցեով մինչև 2012թ. հունիսի 3-ը ներառյալ: Նկարների մեծ քանակի և ծավալի դեպքում ցանկալի է դրանք ուղարկել ոչ թե կցելով նամակին, այլ տեղադրելով որևէ առ ցանց ալբոմում (օրինակ՝ Picassa, 4shared.com և այլ):

Առաջին փուլում նկարը ուղարկելիս հարկավոր է, որ.

1. PDF կամ JPG ֆայլերը ունենան նկարի հեղինակի ազգանունը և անունը՝ որպես ֆայլի անվանում,
2. էլեկտրոնային նամակում նշված լինի հեղինակի անունը և ազգանունը, բնակության երկիրը, քաղաքը, տարիքը և կրթական հաստատությունը (այն դեպքում, եթե նկարը ներկայացվում է ոչ թե անհատի, այլ որևէ կրթօջախի կողմից) և կապի միջոց՝ էլ. հասցե, հեռախոսահամար, հասցե:
3. նկարչությունը դասավանդող մանկավարժի անունը, ազգանունը:

Նույն տեղեկություններ պետք է լինեն նաև նկարի **հետևի մասում**² բնօրինակը երկրորդ փուլին ներկայացնելու ժամանակ:

Երկրորդ փուլի համար առաջին փուլում հաղթած նկարների բնօրինակները մինչև սեպտեմբերի 3-ը փոստով կամ առձեռն պետք է փոխանցվեն Գեղագիտության ազգային կենտրոն.

National Centre of Aesthetics, Abovyan 13, Yerevan, 0001, Armenia
0001, Երևան, Արովյանի 13, Գեղագիտության ազգային կենտրոն

Ծրարի վրա պետք է լինի «HAMAHAYKAKAN NKARCHAKAN MRTSUYT» նշումը:

Պարգևները.

Մրցույթ-փառատոնի առաջին փուլի բոլոր հաղթողները կստանան ցուցահանդեսի կատալոգ:

¹ Հատուկ ուշադրություն է դարձվելու մեկ թեմայի կամ առաջարկության շուրջ աշխատած խմբակային կամ համագործակցական աշխատանքներին՝ նախագծերին: Օրինակ՝ Սայաթ-Նովայի սիրերգությունը որպես նախագիծ:

Երկրորդ փուլում հաղթողները կստանան նաև մրցանակներ: Իսկ հիմնական 10 հաղթողները կիրավիրվեն այցելելու Երևան մեկշաբաթյա մշակութային ծրագրով:

Այցելության ընթացքում ծախսերը հոգում են կազմակերպիչները: Մասնակիցները հոգում են ճանապարհածախսը:

Փառատոնի այլ միջոցառումներ.

Փառատոնի շրջանակներում ցուցադրության մեկ ամսվա ընթացքում Երևանում տեղի կունենան.

1. **Մշակութային ու ուսուցողական մի շարք միջոցառումներ** (դասախոսություններ, ներկայացումներ, համերգներ, ասմունքի երեկոներ և այլն):

Մշակութային ծրագիրը և ժամանակացույցը ներկայացվելու է լրացուցիչ:

Ակնկալվում է Սփյուռքի դպրոցների կողմից համանման միջոցառումների կազմակերպումն ու անցկացումը: Անցկացված միջոցառումների տեսագրությունները պատրաստ ենք տեղադրելու Գեղագիտության ազգային կենտրոնի պաշտոնական www.nca.am կայքում:

2. **Մանկական պոեզիայի մրցույթ:** Մրցույթը անցկացվելու է «Էդիտ Պրինտ» հրատարակչության աջակցությամբ: Ներկայացված մանկական բանաստեղծություններից լավագույնը կտպագրվեն առանձին գրքույկով, որը կտրամադրվի հեղինակներին:

Մրցույթ-փառատոնի ժամանակացույցը.

N	Գործողություն/աշխատանք	Ժամկետ
1.	Մանկավարժաների համար մեթոդական սեմինարի անցկացում և կայքում տեղադրում	մարտ-ապրիլ
2.	Առաջին փուլում աշխատանքների ներկայացման վերջնաժամկետ	հունիսի 3-ը
3.	Առաջին փուլի արդյունքների ամփոփում	մինչև հուլիսի 1-ը
4.	Երկրորդ փուլի աշխատանքների բնօրինակների ներկայացման վերջնաժամկետ	սեպտեմբերի 3-ը
5.	Ցուցահանդեսի բացում	հոկտեմբերի 6-ը
6.	Ցուցահանդեսի փակում և հաղթողների հայտարարում	նոյեմբերի 3-ը
7.	Փառատոնի մշակութային միջոցառումներ	հոկտեմբերի 6-ից նոյեմբերի 3-ը
8.	Մանկական բանաստեղծությունների ներկայացման վերջնաժամկետ	հոկտեմբերի 6-ը
9.	Սփյուռքից ստացված տեսագրությունների տեղադրում կայքում	դեկտեմբեր
10.	Լավագույն բանաստեղծությունների ժողովածուի տպագրություն	դեկտեմբեր
11.	Հաղթողների այցելություն Հայաստան	2013թ. գարուն

Վերջնաժամկետներից դուրս ուղարկված որևէ հայտ հաշվի չի առնվելու: